



續  
點  
書

地

ル 5  
4018  
2





115  
4018  
2



續黔書卷之四

萬卷書巖

或威張 澍島穀

水經注云積石河北有層山山甚靈秀巖多石室室中有積  
卷而世士罕有津逮者謂之積書巖巖堂之內時有神人還  
武陵記云天門山巖中有書數千卷見而不可取伏滔北征記  
云皇天場古陶穴藏書二千餘卷異苑云百丈山中有石房內  
有石案置書二卷荊州記云小西山石穴中有書千卷相傳奏  
人於此學問之故梁湘東王云訪西陽之逸典也余載念并言  
每思御輿輪而上尋瑯嬛福地陪守門之犬讀玉京紫微金真  
七映一作瑛丹書紫字諸祕籍而遇齋緣慳未之或覲又念乏維

續黔書卷之四

二

010189012344



政之方聞慚安世之善記卽有玉版奇文瑤壇怪牒亦嘗視茫  
得矣夫羽陵蠶簡牧德靈符羣玉爲庸成之策府宛委有高密  
之元經是名山者固儲書之右室貯典之蓬觀也玉屏邑東一  
里高峯峭壁疊石千層儼若牙籤萬軸橫互江左則萬卷書巖  
也余旣不得讀中祕書而來此何敢薄民社爲粗官但一行作  
吏此事遂廢每當敲撲犯慮牒訴裝懷之時登臨舒嘯坐擁萬  
卷不啻南面百城而塵容俗狀俱爲之一洗是亦舉官之至樂  
也

附詩

祖龍劫火不到處長恩潛在深山語怪牒靈文媿皇墳不計渾  
沌何年貯天呂層石作金題霹靂不掣勞黠鼠獾獠詎識靈寶



方徒墜蠻荒誰企佇王戌之夏我清暑一笑此中字堪煮擬將  
闢斧倩巨靈鑿破幽崖之岨嵒龍威僵走赤雀飛露出尊盧  
時楮水煎書鐵磨隄隄寫遍雲膜字如柔語奇文奧驚鬼神俗  
人可博束脩矜孰意撐犁妒我心鋸斤未試風霆阻謨觴洞兮  
竟鑰封濤聲日夜護江渚

游紫氣山記

省柳柳州之記遊也曰奧曰曠竊謂此兩言者不獨鑿山之景  
兼得山之理焉黔固山國也而玉屏之西境隴黎平昇粵爲鄰  
連峯複嶺彌望不絕然或則魁父無丈之材或則單椒無曲之  
巒求所謂奧如曠如者不可多得今夏伏日埃鬱衙齋潮濕赫  
曦逼人王尉露謂城西隅紫氣山雅宜游暑遂觸熱往來半里



見陂陀回互岡巒起伏雜花叢於層石古柏蔭於巖崖涼颼徐  
來煩袪頓滌實仙靈之館也爾其清谿環鳴瑟雜叶韻符藻漾  
潔游甲浮空樹入牀卉橫籐礙路山來鏡裏鳴鳥使人子亦不  
自知其何旨且不周翫情不給賞也嗟夫予圃銅柱君山玉臺  
姑射尋仙空桐訪道誠棲霞之逸志或齒展之寓言孰若此山  
境鄰城市不染塵氛楹不待遂日自隱難田鋤芝而鳥得泉挂  
鶴而煙霏哉假令子厚來此必悔其巨嘉名錫彼機區也

埵紫氣山詩

淙淙流水隔橋聞靜坐蒼浩鬱翠裏陽雀夜唳千嶂月憇勞開  
鑠一溪雲曾傳白雪飛初地有寺名瑞雪禪林詎有青牛太夕曛幽境  
獨憐臨驛路馳煙誰勒草堂文

埵衙齋苦熱詩

眩肝風光侶壽麻無能清暑效浮瓜金丸我欲彈鷓鴣鳥好植瓊  
雨孔雀花

游東山記

出玉屏東門循山麓前行石磴盤曲路才容軌牛叩馬擗視此  
郁夷方里許延緣於田畔時新雨初霽畦水漲汎秧苗抽鋤平  
綠如扇穀犬亂吠殊足喜人再進則一徑雲深層松攢柏列若  
夾道松柯隱景交蔭脩篁清籟鳴條山壑奮響雅可游目憑袪  
悟衷散賞山之右為寺正殿倚巖結構雖未宏麗而真容巨壯  
亦稱雄刹兩廂有樓可眺遠下則游人憩息之所旁穿小徑詩  
執雜花有洋繡球一株爛如雲錦薄午鬱蒸予倦甚沈睡多時



起呼醜則積陽已栖岫矣出山門振袂延風神志爲豁牛下遠  
邨炊煙在樹歸飛之鳥千翼競來俯瞰大江回縈如帶視從來  
征帆不啻鳧雁也

重游東山記

今夏三月杪余曾策杖來游茲以巡稼之隙復問塗焉時金風  
初扇而餘暑猶勻藥乃於林際趺坐散髮跣足松濤竹響清若  
竿笙舉頭一笑宛暘都消俄玉尉聞予游亦來相昇踞盤陀翫  
霍靡聽鳴禽之上下俛視遠水空明皓同積雪印瞻白雲翹然  
天外容裔如如而蓮峯北聳疊椒重巒刻露清秀恍覺舊游無  
幾而風景頓殊猶然塵鞅儼山靈騰笑我也乃朗吟曰青林倦  
鳥語絲蠻侶說白雲返故山日月幾何風景換鏡中疑我尙未  
顏蓋于是時有退志矣遂循懸徑至寺後見松樹圍繞沈  
池澱滄鏡澈淨萍含絲微颿乍拂漪漣生文黃釜魚二三百尾  
曠景斜注則相聚响風擗爲戲又或衝藻徑去游間遠放若遊  
世士歛低徊者久之乃昇玉尉聯騎歸回視嶮巖如攢圖之托  
霄上矣

飛鳳山

晉向長欲男女婚嫁畢裹糧游五岳是其勝賞神鄉秀情超拔  
矣余曠晉亦心栖白雲邈想霞蹤今遠宦來黔始入界所遇巖  
巒殊無慰翳望者舊說天下山半在黔中青疑晉人譌詞也泉  
抵任眠事稍暇凡境內山川亦每觸岫延賞傾淵懷煙而人士  
多嘖嘖飛鳳山之奇其言曰山之高森峯限日峭壁爭霞俛瞰



城郭猶匹帛之繞叢花險逾縣度累梯乃升下則墊雞河清流見底游鱗可數沙如霜雪石侶携蒲架木爲略徇通之蘭茝被徑送馥懷芬榜曰眾香國高僧某卓錫時之所顏也玉皇閣倚雲結構渺如仙居梵響凌虛遠山相禽轉側十餘或丹崖翠嶂點黛飛瓊石罅中瀑布激素灑清如委幅練數折入河聲猶雷轉循崖東而左仄徑難登峻亦須翼攀蘿尋葛乃躋絕巔其上眞花不落古樹恆春岫挂松欵岑交竹影流風叩阿宛若彈絲自下望之澹冶如笑蒼翠如滴明淨如粧慘淡如陞四時之景豁目頤懷又風胎雨鼓戲弄羽毛飛猿栖狸乘煙歌唵信可已韜軼笙簧跨躡管籥之神思飛越覺風麻玉笥恍遇目前急欲進游已盪吾胸會差至不果輒形癡寐後勘地而谿途次

墊雞坪去山里許見層巒疊嶂中一峯高聳旁有兩山夾拱如鳳舒翼憬此山之得名不誣也爾時船雪彭鼻陵雨瀆流路淖而滑又不得往游已探勝恍如海上神山可望而不可即然于有濟勝具俟秋高騰源餘歎稍退終當凌最高峯造幽峻看博芙蓉之石調鶴拒格之松聆風泉之虛韻翫巖桂之清香不使子平獨精物隱也聊記此言已爲券

游白雲山記

廣順州東四十里有白雲山層巒疊嶂如湯驥奔泉至此而止白雲臺峰頂陰晴皆見爲建文帝荒遊之所上有羅永算算弄古杉三株長數丈其一經帝手摩至梢無附枝又有跪井舊無水龍神爲之涌波恆雨不溢恆陽不涸時有雙鯉出沒其閒取



水者必跪汲乃可得云余於癸亥之二月攝篆斯州暇日命駕  
徃游欲向寒煙蔓草問卓錫之遺蹤至則鹿苑積層濫泉息脈  
林雅空噪巖磬無聲惟嶺上白雲尚依依依舊也道旁臥一石  
碣鐫帝詩三首係州牧韓之屏所刻其中半落西南一詩作於  
滇南後一詩作於羅永者棠刻於此則韓君之疏也余既剔辭  
讀之遂策馬歸歸塗少轉有蒼嶺橫互挾雲欲飛懸崖青石如  
婦人回首顧盼簪髻宛肖相傳有神媪母夜至帝所服役後被  
人覩歛化爲石又有沈潭融淳澗澗碧無波相傳帝嘗經此  
忽一靈犀躍出跼伏道左若聽驅策者噫鳥翼庚辰虎乳關斑  
金狄洒淚泥馬騰波蛇衛顛頊之墓燕填臨江之壙神獻管涔  
之劍龍春寄奴之藥推詳選述則影徹經史考驗真怪則叶符

圖籍雖詞趣涉誕而旨旨非誣矣既作此記復繫之呂詩

何年脂帝構會駐玉皇蹤鐵匣歸天數金川避賊鋒驚心黃屋  
香滿目白雲封草木挺旌節袈裟換袞龍虬供石洞米鹿聆闍  
黎鐘受詔犀分水服勞媪化峰經途無白鳥一宿河至今無直  
故帝會宿此 幹有青松江海圍瓢寄關山程濟從鵲唳篁竹裂鶴唳瘴烟濃  
我至尋遺跡悲填萬古胸

增建文帝君臣論

余嘗讀史至金川門失守而王鉞言高皇帝有遺誠既得鐵函  
鑰柙度牒剃刀竊嘆屢弧箕箒妖誡亡姬蒿棘女珊天心割漭  
侶有定數不可以人力爭亦由聖祖不建青宮輔弼俾作皇覺  
裔餘也又念少康逃竇終秉元圭宣王潛間仍杖黃鉞五年而



天節反一旅而中興奏則忍辱圖存乘機觀變未始非識時之  
俊杰撥亂之鴻才方其成皇死沙場昭帝居瘡瘡俺答鳴鏑戈  
鋌鈍於邊關高煦磨牙蜂蠆伏於肘腋國執孤注人情狐疑必  
不能長駕遠馭舉牢萬里之外而滇黔地險沐氏兵疆假令効  
勃蘇頓庭威公汰血自能發勇氣於仲禮唱義聲於濟陽濮軍  
出荆門卽襄鄧可搖戈船下溱南卽長江可據奮青邱之神劍  
返紫宮於彝庚仁壽之鏡重明雲臺之仗復設握符闡珍當不  
其難或者謂夏桀浮舟是爲失佗夷吾返國終辱先君故文叔  
受符不惡成帝復生元聖西歸苦讓忠王繼統也豈知惠王居  
櫟殺子殯而返都襄王居鄭誅太叔以奠佗伯者克定其難春  
秋不呂爲非況未虐謗人翻同流毓未警蛾賊竟爾蒙塵反謂

三靈改十九廟弛縣豈熏丹穴呂求故君忠乃不足閉沙邱而  
餓生父事固有名契無如斲鼈難期荒野永遯嘍痕浸淫於枕  
席黃屋寄寓於團飄不知晉鄭之依鳴爲共和之計黃圖赤縣  
置之罔論母亦諒精衛不能塞海愚公不能移山遂甘心於瘴  
雨蠻烟罔筮夫貞風熾火哭連鸚鵡萬公誰迎謠應豆田出帝  
不返雖亡國大夫不足算言事而千秋直史何未書均房乎管  
者予鄴降泚水而容吳杜宇禪開明而遠放要皆榮遺松棟罔  
念萬國衣冠塵視玉軀何計三泉鳧雁乃誦榜嚴而白髮蕭蕭  
敲梵磬而天門蕩蕩聖人寶失虛想早斲之雅法王輪空尙戀  
荼毗之骨母亦備嘗險阻清力銷亡魂將斲於祖龍方思山鬼  
銜璧運已去於佛狸又恐帝犯寶鹽思歸葬西山故明廷自列



乎至若痛哭之五十餘人從亡之二十二士沐雨櫛風胼手胝足四十餘年忘其勞勤吟不動於龍蛇走自効夫馬雖無仁傑之偉烈返金輪於廬陵亦有子家之孤忠奉馬鞍於堊井所謂朱炎鑠石不靡蕭邱之木凝久慘與不凋款冬之花義悲六合仁感萬禩日視當日之鞞面授衣開門延敵昧衛難之洪義拜殿下而主臣者豈可同年語哉

梵淨山

黔之郡凡十三而山接蠻叢江通雲夢扼百蠻之要害者曰銅

仁為最銅仁之山凡數十而巖谷幽異峯巒峭別壯三江

也江仁江之形執者曰梵淨山為尤玉屏昇銅密邇余恨局於墨綬

不得達一問碎支佛之遺蹤然數數輒聞其奇默想其景髣髴

其境界不啻日擊之也聞絕巔有寺風厲不可瓦治曰鐵疑悲廉為之獻炭屏擊為之鼓爐也寺側有崇臺三曰拜佛曰說法曰煉丹疑鴻衣羽裳練精餌食之夫所宅也有井曰定心水寒沁肌骨清鑿毛髮疑飲之者可洗躁進之懷也山後有池曰九龍池皎焉沖照淨無斥草疑有翠鳥銜其淪捧也登之者先由金刀峽而上峽之高千仞中如斧劃隔五六尺許有飛橋相接疑巨靈之所開鑿也左右皆大梵宇廣闊可容數十人陟者攀絙上下若蹈空而行疑上落雁峰千尺之幢也至其椒千里風煙可一覽而盡疑登岱宗日觀可小天下也歟周圍僅四丈突兀陡絕疑猿徒喪其捷巧鼃族謝其輕工也又有香爐峰綿絮巖藏經巖羅列競秀下有九十九谿紆折環繞匡廬或戶之勝



天台雁蕩之奇亡已逾也余於黔之錦巖珠壑祕洞靈淵亦幾  
遍踏矣疑此山不獨銅仁之壯觀且爲全黔之勝槩也何必泛  
螺舟而渡海乘毛車已翔風登孽搖顛抵于大荒深掄次錢來  
于泰遠然後詫語殊靈瑛標怪秀已爲異乎

游飛雲巖記

天官家言周雲如輪魯雲如馬衛雲如犬秦雲如行人齊一作  
雲如絳衣宋雲如車趙雲如牛楚雲如日韓雲如布魏雲如鼠  
越雲如龍蜀雲如車而不聞黔之雲爲何狀余來黔見毒箐灌  
莽嵐溼之所蒸鬱爲蠻雲類符陽之怪氣無所謂花葩紉縵錦  
繡縹緲縣鸞曜藻慶裔細縵者乃至黃平游月潭寺顧瞻巖行  
則爽然失愕然驚且憲憲然目不周覽也則見奇執謂詭不可

名狀或巒屬而彭薄或輪囷而屈鬚或遼巢而葦鬱或逆豎而  
倒懸或龍蟠而虎辰或鵬奮而鳳軒或蛟騰而鵝逸或獅厲而  
象狂或纛引而旗導或纓綴而帶翩或乳壅而煙結或浪擁而  
濤旋而且高者礙日下者回歲巨者勺谷空者隱潭皺者膚蹙  
漏者竅含瘦者骨削薄者殼多墜者星落簇者毛毳大者如眯  
歛者如嬉蹲者如怒斲者如虧竊嘆曰此巖之石何其譎也何  
其佞雲之欲飛去也雖然造化之工之奇能已黔之荒僻而闢  
此靈巖復能使磊磊之石變態而不可究詰卒不能使雲之東  
西絡繹南北油裔者如此巖石殆此巖已罄造化之巧彼蒼無  
復餘情已付豐隆故此巖遂得獨擅飛雲之奇也夫

增飛雲洞詩



幾年仗劍尋龍子孰意飛來石洞潛嘘氣成雲作霖雨竄身僻

陋亦何嫌

相傳洞內有神龍大雨時聞出

鸞不雁蕩醫巫閭伯此靈巖總不如齒冷客兒誇木屐那知天外步雲車

游黔靈山記

古城李孝廉芬逸曠士也余引疾閒居日偕游雪崖洞因為余譚黔靈山之勝約共遠游旋孝廉返鄉去不果時屆初秋炎都寒埃旻寓滌氛遂棄輿步出陸廣門石逕紆曲形似書字寒谿沙衍靜無漚瀾遠樹空碧哀蟬激響恍助予之鄉思約行三里眾山回抱中露出羊腸一綫盤旋直上若鳥扛霄天風振袂呆履波濤仰眎蔚藍天蒼蒼如石壁洎造巔則阿平開朗四徹中

繩若未始有山者修篁萬个蒼翳成林曠暉側注金影瓌碎延佇凝睇青甍顛動綠痕上衣裾芘芻出邀入淨室茶飲少憩日正殿側右至一院斜峯入牖曲沼環堂樹響飛嚶階叢花藥則游人匡坐之所也壁多題時官詩獨鄂西林相國近體二章契予心據石和之擲筆舍去抵寺後見攢木千章圍繞如幄長矧綠坡而舒翠蘭子埒枝而凝紅蒲鎔振羽於草根媚蚪引嘯於林杪扶老之禽昇梵唄相龕石竇之水共松濤偕鳴余亦乍覺其秋色之上眉也裴裊者久之日已入蒼林埜烟漠漠微辨來時路望見明月宛宛如故人偕游者予弟淑也

埒追和鄂文端公詩

烏紗新脫卻擲杖問仙靈袖攬嶺雲白眼爭山骨青錫鐘林表



度馴鹿苑再經寺僧養鹿子二默念銅文頌商飭入廣庭

一泓鳴玉筑萬綠聳金莖侶此山如買當為智者營聽松濤蓋  
偃顧影月波傾俛叩九霄闢軒渠鵝籠生

增元詩

弓衣馳小隊紆逕入黔靈隔岸竹林紫舉頭天骨青芻尼馴上

座梵貝理殘經問訊我肩老獍獠認祖庭主僧西川人主曹溪派

剎椰車三苑莊嚴草一莖眾人殊狗苟吾道亦蠅營活殺從渠  
會泥沙迴自傾底緣返初服安養證無生

游牟珠洞記

牟珠洞在貴定縣西十餘里洞內有<sub>種</sub>溼大土石像皆天生自  
然妙麗莊嚴石筍一株棟削鮮瀾青如瑤簪余壬戌至黔徃來

日南數道其處乃呼道士雙炬深入則見石乳結撰嵌空壘壘  
開闢摩豁天開別境雲瀟波詭莫可名狀有若象者蹠足而躩  
跪有若龍者攫爪而螭螭有若虎者磨身而趨趨有若豹者談  
舌而捫披跪者若羊眠者若牛逸者若馬藉草而伏者若馬猿  
負厓而奔者若麋鹿又有十丈蓮花亭亭扶挺翠色欲滴如仙  
掌之金莖也藕船類屋橫互天溼波濤齋森如博望之星查也  
石梁聳峙如彩虹跨臥上有僊官鶴筆羽衣童子持幢導也  
又有樓觀宮闕結構窈窕如入建章之宮而千門萬戶也如造  
閭風之巔而銅柱瑤棟也如游蓬萊方壺圓嶠三山而羽人出  
沒其間也有石鐘焉蒲牢生動蠡文齧缺叩之如木勝周景玉  
之無射也有石鼓焉擊之則軒于鬻于如奏鈞天廣樂其聲動



心無需蜀郡之桐魚也道士撥火指地上曰此梅花也咏之辨  
 藥鮮好皎瑩如玉疑天女之所散釋迦之所拈也忽有聲自中  
 來泠泠然似琴戛戛然似笙琮琤然似鼓玉娟娟然似帶絲復  
 杳杳然似湘靈之鼓瑟瑟女之歛簫也噴之碎狀如震霆轟山  
 劃狀如巨霧劈岳潑狀如康回觸不周其澎湃振盪如天風海  
 濤狀其凌厲呼号軒天蹀地如昆陽之戰猛獸助怒屋瓦皆飛  
 狀余方愕貽驚詫莫知其所自狀道士則曳余裾出洞指澗開  
 曰向之聲不一聲者水哉水哉余曰狀乃記之

附牟珠洞詩

洞內盛條佛瑤幢瓔珞垂鬚洞外森樹木頰伽婆羅翔紫竹  
 落花滿地證般若流水空山悟真如來游兮鐘鐘鼓鼓仙佛額

手紛告子繫我方外之人兮宜巖居何事人間金碧精吾廬

鮎魚洞

洞在玉屏大江右石壁百大中凹一洞碧水珠遊大如管簾產  
 鮎魚焉或曰洞中一石垂為鮎形故名也案說文鮎鮎也尔疋  
 釋魚注鮎別名鯢江東呼為鮎谷陳蔡之厄作崇尔疋季路博  
 者即此物也夫鮎之為言黏滑也鮎魚似之鮎兩目上陳方頭  
 腹重墜若囊身微紫色無鱗一名人魚其脂肪之不消耗秦始  
 皇常以膏為燭又似鮎鮎偃額大首長尾四足一名孩兒魚  
 生谿澗能上樹含水而上葉覆身鳥來飲水輒取之王會篇穢人  
 丹兒即鮎也尔疋鮎大者謂之鯢也知鮎鮎之狀鮎形如繪毛  
 傳說文曰鮎為鮎巨鯢為鮎殊聞於訓稽矣周益公記宜興洞



有四足鮎未乾道六年行都北關有鮎魚色黑腹下出人手於  
兩旁各具五指則鮎妖也玉屏城西二十五里又有鱗魚洞產  
鱗肥美

諸葛洞

偏橋北五十里許有諸葛洞一名襄達洞武侯征南蠻經歷處  
也洞中有怪物狀如水象暹時曾出爲祟地執緊湊夾岸飛巖  
望信染黛上下距縣五六丈巨石臨危若墜復倚濤涌波襄瘦  
蛟跳舞渾浩吳怒響振積坻濬流沈起迄於下口雖雞翹洪之  
險亡呂喻也舟至此遂止冬月水執稍緩多人捧曳可至偏橋  
其上雜樹交蔭罕見曦景大泉飛流千丈侶布湍激之音奇爲  
壯猛曉禽莫獸哀鳴相和亦饒楚花中時有紅雲秀天蘿

熒飾巖若銀燭眩目觀者思難周賞情乏圖狀矣壬戌四月余  
自貴鎮返屏禺中至施秉汜舟經此因泠醜水漲白波如山爾  
日又值大雨鴻流尾輪環激轉築石橫互江中礧礧侶屋一  
葉輕舟時時觸之靈君巖盪日驚星覆恍天吳爲之咽歎奇相  
爲之颺躑也夙延矚飛湍魄未之駭後爲友人言之輒咋舌去

響琴峽

平越酉陽驛之東十里攢峯刺漢古樹蟠蚪斷壁中分陷如斧  
削而碧流飛注激電轟雷其聲泠泠狀清越呂長非箏谷之金  
絲異蘧浦之楊柳也吉林德觀察隆榜石曰響琴峽蓋得其侶  
矣余系之巨詩

雲浪琮瑋響玉琴空山寂莫誰求音條來風雨羣靈會寫出成



連海上心

相見坡

吾鄉隴東之六盤山森壁軼雲棟巖造漢寥籠虛岫峯我積  
路若絕而復通石將積而更綴所謂官窳而曲窳窳其高者  
甲寅經此下車山麓挽衣荷筇而上後人見毒人履底毒人見  
後人之頂如畫累重人矣延緣拗折牯與至禺中乃躋絕巔俯  
視人馬如蟻行者想者遠近逶迤陣演率然矣復盤折而下石  
檢苔滑樹杪雲橫深壑小語高峯如鷹風息畏佳峻逾邾邾狀  
簾交筆秀澗響泉飛瀏覽忘劬今至相見坡靡迤陂陀下屬深  
潛嶺屹嶷嶙上虧日月極天之阻實在於斯是日行者望風謝  
路而異嶺共雲別峯同雨恍如盤山之在我丹田山薑云陟首

坡則尾取見陟尾坡回矚則首坡見去中坡而望則首尾俱見  
起伏區印石壘烟接方沈澗心突凌峯頂行者此呂手招彼呂  
口呼送讓會於咫尺而不知三十里之遙也形容可謂逼肖矣  
余也有客兒之豪情江山助興無柳州之嘉藻林澗貽羞聊綴  
長歌呂當游記

上坡面在山下坡山在面相見令人愁不如不相見管誦吳江  
施武詩令我胸頓心滋疑今年奉檄羅施國陟坡正值芳春時  
春雨霏霏泥滑滑輿夫郭許肩爲疲一步一顧上高嶺遙遙樹  
杪人團影須臾不見循幽坑呼聲宛如在深井斜飛瀑布巖壑  
簾亂綴雜花埜照眼批頰側翼桂之樹清暖舒嘯河之麋黃犢  
哀鳴鷓鴣叫下輿四望風颼颼葛藤鉤衣足欲蹶拍手嬉笑來



蠻兒椎頭鑿耳語警警侶說海面箐林高我曾攀緬上仙掌渺  
此九牛之一毛夷攜白雲空眼界碧雞金馬墮王褒下視行人  
指勞苦肩瘡蹠血多商賈青砮圓裏夔州鹽黑苗斜插雞子營  
颯颯楓林吼虎山王祠弄煙一縷

坵七律一首

九折千盤相見坡濃家茅屋結山阿誰其云者飛黃鶴若有人  
今帶女蘿邨酒柔情玉練語蠻童拍手烏鹽歌商訛苗言放  
牛也搖  
笑愁牽角鳥路斜陽自古多

聖泉

寰宇源泉何啻億選而効靈廣堪者殆難更僕數呂子稽職方  
所載奇詭尤著者如滄州之澄綠泉泛金石不沈也允街之泉

水或旋如盤龍攬之亦成龍狀也廣陽之妒女泉婦人炫服靚  
粧必與雨雹也霍山廟之泉鼓動則流聲絕則竭也江乘之湯  
泉半冷半溫共出一壑也多喜山之雄雌泉春夏左盈右竭秋  
冬右竭左盈也安豐之咄泉大叫則大涌小叫則小涌咄之則  
涌益甚也是皆別具橐籥壯坤輿之觀不僅飲石亡寒蛟娛雲  
邊楚客已也而要巨黔之聖泉可驗瀚汐為尤足異夫漳浦蠟  
灊侯官灊泉鐘山應灊連州灊泉固亦消息有時矣然彼則地  
瀕海隅緣海為灊汐而於泉無异又若媽亭石穴池陽湖泉章  
貢三灊安甯海眼連州斟溪樂平鳳游荆門蒙泉郴州灊泉言  
城灊泉龍場驛灊井去海隻絕侶异此泉為伍第彼之灊侯僅  
再至三至亦未有百盈百渴不爽晝夜如此泉者王韶之始興



記云貴州有漏洑一日百盈百涸應漏刻殆指此也余曾再履  
其地見一泓白石鑄迸出噴若玉竇泄爲瑤池淨若醍醐瑩成  
琉璃試以錢置石上卽滿涌而弁錢齊不湮不淺則信乎此泉  
之得擅聖名也宜其橫竹引之調符取之已調痼滌塵珍於玉  
酒瓊漿可也奈人之飲狂掬貪或且漱盜而去此若浼者亦獨  
何哉

埵楊慎聖泉詩

龍圖天生水義畫山出泉睽茲虜沸流肇自混沌年盈涸在頃  
刻消息同坤乾塵利變瀚汐億垓無貿遷帝臺益漿下神漢壺  
嶺巔冰雪姑射質風露綽約仙竇雲騰瀟瀟泓月涵涓涓鯨須  
穿皎鏡蟹眼瞭淪漣岷觴衍游聖劫舟喻思予迷蹤鬼方羶蘊  
真羅甸烟詎逢陸羽品邗遇桑欽傳名公紆勝引嘉招陶芳筵  
折簡開蒼蔚飛觥延霽天玉珂鳴重轡金艾明華田碧潏滯柔  
翰翠微鑿洞絃臨淵稱混混倚谷望裕裕麗闔鼙鼓動回谿蕢  
屬朕荒塗欣長會興言遂成篇



*[Faded bleed-through text from the reverse side of the page]*

續黔書卷之五

戎威張 澍嘉穀

多雨

史記正義引太康地記云河北得水為河塞外得水為海自小而大之也楊用脩云黔人謂雨為清露自多而少之也余辛卯之嘉平月入黔境即霍霖自玉屏至貴陽凡十程僅得一日晴故有漏天之號山海經曰應龍已殺蚩尤又殺夸父乃去南方處之故南方多雨郭氏注龍水物呂類相感余竊謂牂柯分野上當天井是多雨潦非必如隕欵之所云也

拊愁霖賦

蘇利回駮焦明舞翅蜡爾雲巫孖流霧織苦雨連旬陽烏川避



人不堪息天何徑醉中庭桴渡炊竈烟霾省耶上壁勝遇翔階  
百塵泥滑干井竈排門無繫馬戶絕吟鞋茹愁獨臥散漫傷懷  
若夫關山絲互久理征鞭雞聲店裏人影橋邊寒颯震蕩怪鳥  
盤騫衣沾骨冷髮沐涕縣沈陰斷地積水連天長塗躑躅故國  
茫然別有儒生御旅詞客郵亭短垣傾圯敗瓦飄零囊無長物  
案有餘螢檢書汰鶴讀曲淋鈴草元寂寂梧坐冥冥裏糧無友  
飽德自馨於時石決花蕭林於葉結澗浴青豨浪浮赤鼈鳩婦  
不來桐魚宜截后土難乾屏号尙泄假蓋誰憐墊巾可折三日  
佳晴三日晴也云胡不悅為之歎曰銅鼓山崩劣獲蓬水漩漫  
八番秧苗爛六額蠟膏黜牛肩拭泥血龜鼻解銅環宋悲從此  
去為我洗愁顏借得穆王笛吹徹此荒巒

歧舌

呂氏春秋功名篇云反舌殊俗之國高誘注一說南方有反舌  
國舌本在舟末倒向喉其語异中國語相反因謂之反舌淮南  
子墜形訓云東南有反舌民高誘注語不可知而自相曉海內  
南經有歧舌國藝文類聚引作反舌國其人反舌予覽云軒渠  
之國其人四舌而三種通考謂之二重國拾遺記云因霄之國  
人舌尖處倒向喉內亦曰兩舌重脊金築苗仲之巢穴余代庖  
之日苗有訢牒者令伸舌視之宛如王子年所說蓋舌主心苗  
火旺於巳巳為蛇故蛇歧舌南方歧舌之民其亦火旺之象也

醫方刻石

宋陳堯安為廣南西路轉運使嶺南風俗病者必禱神不服藥



堯安有集驗方百本刻石貴州驛舍地方賴之余壬戌至黔遇道旁殘碣必剔蘇尋之無有也大抵年代塵邈非風雨剝蝕卽沈霾蔓草否則爲牧童敲火牛礪角呂致毀湮耳

石刻

修文縣二里龍岡山鐫陽明玩易窩五字洞口鐫陽明小洞四字王文成貶戡時講學之地也都勻城北有石壁鐫仁智之情動靜之理棲此盤谷飲此泉水十六字張鶴樓遺戍是邦誅茅讀書題此呂自慰也黔西州北六十里有方石厚闊各尺許長二尺默擡卽起語則多人不能動上鐫天合二字都指揮馬暉之遺跡也貴陽東山翠巖崔嵬琳宮縹緲鐫君山讀書處五字郡人楊大賓習業之所也安平之噴珠泉鼓掌喧嘩珠璣迸出

鐫喜峯泉三字參政焦希程之所題也永從之石芝洞鐫石芝洞天四字副使徐九皋之所題也又皮林洞有皮林山一名過化山參將鄧子龍題過化二字寨民相傳歲呂石灰填之否則多瘡目也龍里縣南之雷雲洞奇石怪壁巡撫郭子章題之曰雕雲也餘慶有古洞白雲封洞口則雨去至邑合韓任甫題之曰慈雲也龍泉北三里岩上刻天河洗甲四字劉綎平播凱旋經此勒岩也麻哈江之橋萬鏡建屢爲水浸三建乃成糜金巨萬總督張鶴鳴礮碑題萬鏡橋三字也安南縣文廟旁有石方廣數丈總兵鄧子龍鐫欲飛二大字於上畫寬尺許也又縣南雅關下有飲馬泉傳漢將軍關索至此人馬渴甚泉忽湧出成池參政林喬勒碑池左曰甘泉聖跡也

國朝總督蔡毓榮泐棠泐且呂飲人四字桐梓



之葫蘆洞清幽深遠石狀龍蟠邑令萬侯建額曰天叶賞大學  
士王應熊有北顧岩三字俱鑄於洞口也永甯之觀音洞有白  
石如龜鑄神龜玉液四字也天柱之千佛鐘鼓洞微霧濛濛清  
流濺濺邑令朱梓題石曰天下第一奇洞也婺川之蟠龍洞壁  
鑄蟠龍化雨四字也銅仁之東山突兀奇峭俯瞰大江絕壁鑄  
雲彩江聲四大字也都勻之夢遇山有碑鑄仙人張三丰觀瀾  
處八字也平越城西五里崑上有張三丰遺影郭子章於高處  
鑄神留宇宙四字也遵義城北三十里石壁上鑄十二字云山  
齒齒水瀾瀾白飛霞曾到此也凡此石未駁落字畫可辨皆明  
人之遺跡也至遵義之白縣堡鑄石曰如能順從則世享福壽  
宋忠烈公楊燦巨十訓刻石示子者也龍泉縣東五十里有山  
高數十丈上刻仙羊巖三字相傳唐人之書也又夜郎崑刻在  
郎古甸四字相傳李白經此所題也若鎮遠之香爐巖畔刻泝  
流光三字相傳爲溘忠武侯所題疑未能信也又永甯之西節  
洞石乳凝結上有字如蝌蚪不能識也永從之碑摸崑高數十  
丈上有仙書紅字又仙崑數處皆有大篆嘉靖時酉陽可來侵  
地募人鎗去也畢節城北一百二十里有碑相傳武侯所大文  
漫漶不可讀也此皆余足跡所至耳目所覩記者之於地里參  
之且聞說信而有徵者也其他奇崑峭壁幽崖邃洞或有祕響  
異蹤余恨無輒車未之到也狀書不能擬岳碑文不能比嶧山  
猶筆之赫蹏不忍棄者志余黔中之所得僅此也

俗字



黔南各郡民苗訟牒中多俗字亦有字書所載而音迥不類者詢之亦有解如𠄎讀為𠄎言指勒不𠄎也𠄎讀為擺言行止動

搖也𠄎讀為戀言婦女善淫也又更讀為紐言巨蟲置火上牀

紐動也集韻更達貝切音權蟲人火貌鳴讀為刁言人形短矮也廣韻有鳥字音爵并雀同

說文鳥依非一𠄎塞江又音木切音支義亦同孖讀為鴉言水之分流者也集韻𠄎音塊也淮南子說林訓土勝水

云雙生子也黔之古城南有孖江車浴兩水將合處形如八字有寨焉亦名日八孖

川字

黔之人呼牛馬之竅為春余莫知其解或又曰穿思之知當為

川始信土俗方言果符訓詁之指歸也案山海北山經倫山有

獸狀如麋其川在尾上其名曰罷九郭注云川竅也而姚旋露

書引山經經川作穿蓋穿可訓川故釋名曰川穿也顏師古溘

書李尋傳注云川者水貫穿而流通也裴氏廣州記云南海龍

川縣本博羅縣之東海有龍穿地而出即穴流東泉因曰為号

是川之訓穿傳記多有之又伯樂相馬經有馬白州亦當是川

字畢中丞沅山海經校本疑川當為州蓋据尔疋之白州驢不

知郭氏彼注亦曰為竅則州為後人譌寫無疑也張揖廣雅亦

云川譬也可証

釐字

黔之人儕輩相呼其偶不往赴則唉曰釐質同之則釐者不來

也案古釐字本有來音劉向引詩來牟作釐雍郭顯卿字指釐

字从釐徐仙民讀昇來同鄭康成儀禮注曰狸之言不來也徐



廣云狸一名不來天子設狸侯所以射諸侯之不來者取此意也是黔人之言不來為釐猶狸名不來為反切之音如并夾為籥終葵為椎邾婁為鄒勃鞞為披舉矩為莒勃蘇為胥壽夢為乘舌職為殖顓孫為申蒺藜為茨茅蒐為棘扶胥為輔於菟為虎不聿為筆軒轅為韓俠累為傀瓠盧為壺鞠躬為芎丁甯為鉦僻倪為陣和同為降句瀆為穀明旌為銘大祭為禘殖蕪為須干居為邾窳籠為聰蟪蛄為鳩族蠡為疾蔽膝為鞞側理為紙扶淇為濉狻猊為獅不可為叵奈何為邶何莫為盍者昇為諸之焉為旃徒格為斥如是為爾之類皆呂雙聲合為一字其學起於涿郡高誘其注呂氏春秋淮南子往往詳其音讀而韋宏嗣注國語亦有音切今人相承呂為始樂安孫叔然者誤也

生六男

癸亥二月余在會城一日晨集公廨同僚有言黔西某里王氏一胎震六男者子母皆無恙或曰為駭余曰此固黔之已事也晉陸終氏娶鬼方女嬪音蒯人表作女嬪故集韻音大戴作女嬪一作女嬪誤久孕不育啟左脇三人出焉啟右脇三人出焉譙周輩咸曰為誕呂今沈古知記注者不妄也而又何怪焉曾聞崑崙遵義天旺落六寨土女酥即鑾產牝牡而獸尾眾曰為女昇畜交故有此三度關守者曰之總督馮岳將訊之岳曰蠻族本穴居巢臥人獸相雜即此盤瓠馬人之故習也遂令壞所產而置女不問

化虎

括地志越狴之人老者化為虎博物志江陵之獬一作猛人能化



虎好著葛衣天中記云南蠻人呼虎爲羅羅人老則化虎有羅  
藏山今黔之夷俗亦善變虎王漁洋記定番土司事非妄也土  
人言此事多有其子孫入山頗識之虎亦數選其家巡視余竊  
怪焉夫齊姜化螟螳而吟帝嬪化葦草而媚宓女填海爲精衛  
嫦娥奔月爲蟾蜍是皆幽思煩寃鬱遏莫發化爲異物償憤鳴  
情若伯熙之爲黃能如意之爲蒼狗黃母之爲大鼃杜宇之爲  
鬻周仲明之爲王鮪殆又所謂疆魂鼓圍淪化倏誕者矣乃孟  
食裳襲而忽斑其皮鋸其牙號其聲是漆齒鑲耳之倫皆牛哀  
昇李耳也鬚首渠股之類咸左飛昇封雍一作也一作不必見蛇始  
昌爲杜預不必見蟹始昌爲彭越人之化也小夫無復劣善惡  
無常體書佐鈴下且見之爻象矣儻淮南子所謂志昇心變神

與形化者矣蓋猶是廩君務相

人化爲虎受此法者呂二尺布巾數升米糲一赤雄雞一白  
又聞有能爲變鬼法或男子或婦人變形作羊豕驢羸之屬齧  
人至死吮其血咽之土官重其法禁不能止或捕得輒生瘞之  
名曰鬼方良呂是夫

呪尸爲魚

西南國風土記云邪術有卜思鬼者婦人習之夜化爲猫犬遇  
病者搆其肉唾水中化爲魚魚取而貨之今黔南諸苗能呂術  
呪尸爲魚而食之亦此術也又有苗手持蛇啗之采樵歸捕蛇  
滿籠中蛇亦不能去儻卽西京賦所謂水人弄蛇者昇聞雲南  
迤西南身人婦人怪者或化異物富家化牛馬貧家化猫狗至



夜伺夫寐，以短木置夫懷中，夫不能覺，即化去，攝魂魄至死，食其肉，有守者，逐得則夫家亟出金，往贖，否則殺之。又猛密人工幻術，能易人心，腎手足，致死，即牛馬亦然。

### 石棺

玉屏縣志云：玉屏城西北隆萬間，欽天監奏其地當產草寇，遣使七晝夜，猝至，掘之，石棺蓋半啟，其人一手握髮，一足踏棺，執將躍出，急以銅釘釘之，乃斃。聞初葬時，係木棺也。此昇汪喬年發闖賊祖墓，內有金蛇鐵鏡，事相類。余考唐中和三年六月三日，太白山人謁金州刺史檢校尚書左僕射兼御史大夫崔堯封，曰：本州直北牛山旁有黃巢谷，金桶水，今大寇之帥黃巢盜據上京，近已六年，又僞國大齊，號金統，慮王氣必在此山，伏請

奏聞蜀京發卒破掘，則渠賊將敗，堯封遂昇州官，點諸縣丁，男萬掘之，月餘，山後崖崩數丈，有一石桶，桶深三尺，中有一黃腰獸，旁置鹿盧，劔長三尺，黃腰見之，呦然數聲，自撲而死。堯封奏聞，至秋黃巢果喪中原，剋平。此又昇宋永嘉末，吳猛殺建昌巨蛇，而蜀賊杜弼即滅，事相同也。嗟乎，古今來巨慙大猾，皆山川之盤氣，鍾之安得，迅霆宣威，石靈鼓斧，摧深山之虎豹，殛大澤之龍蛇，以免斯民於塗炭哉。

### 人疴

龍里縣東門內短垣數堵，篳門，岸斜，大一人，年約四十餘，衣甚須，捷面頰，而皆有盤，左目修翹，右目內有罔釘，挺出長幾二寸，粗如小兒髻，充滿眼眶，眶有橫痃，略似麋目形，而罔色殷紅，余於



王戌十月初四日過見之爾時細雨漠沐其人負膺猶張目而  
睨眎也噫異哉儻卽所謂人尙者乎

### 風鬼

十洲記風生獸侶豹青色狀如狸在南海大林中張網得之燒  
之不死斫之不入鐵錐鍛其頭數千乃死張其口向風須臾仍  
活巨石上菖蒲塞其鼻卽死又謂風生獸喜食蜘蛛啖蕪陸呂  
腦和菊花服至十斤可長生常持一杖指飛走則不能去人得  
之指物所欲如意診諸管說卽廣州記之平猴嶺南志之風母  
抱朴子之狷狃虞衡志之風狸也又禽經風翔則風注云風鳶  
類越人謂之風伯淮南子羿繳大風於青邱之野許慎注大風  
鷲鳥也異物志云蟹之腹有風蟲狀如木籠子而小色白食之

發風毒是風獸風鳥風蟲皆有之矣未聞有風鬼者陸次雲洞  
谿織志云風鬼出黔中無形無影呂旋風攝人爲害余至黔輒  
曰此間人咸云無有不知是次雲舊言抑管有而今無也

### 鐘鬪

平越城南有高真觀觀旁有洞幽邃莫測內有物若牛時出見  
之相傳明正德閒忽一夜洞外雷吼僧驚恐起錘鐘失鐘所在  
有頃聞鐘一路負聲而來靄震林木詰翰眠之凡樂銑上下爾  
經左右悉黏水草乃寤矚管之夜鐘舁牛鬪也後鬻之乃止大  
凡物歷年久遠能爲神怪水西之金雞唬月查城之石虎噬人  
石龍騰甲而鼓吹聳亦在普安桑木被斧而雷震至在綏陽城西橋水中悉有  
證驗非同倣誕矣



馬化石

貴也城南四十里有白馬山土有古池深不可測人迹罕至至則風雨嘩冥相傳有白馬見於山下一黃冠呪之馬上山化為石云案水經注蜻蛉縣有石豬子母數千頭傳言夷晉牧豬於此一駟豬化為石後人遂不敢牧然未聞有異人之迹也茲黃冠者毋亦饒初平叱石為羊之術昇大抵神仙好游戲嚼飯成蜂也飛履化鳥也擲杖為龍也水噴紙驢肩牽茅狗也向井呼錢為盤唾瀨也彈橘裏之棋渡江中之扇也是乃麻姑所謂狡獪變化也

雷擊六人

放京房易傳云雷電殺人何雷天拒難折衝之臣也君承用節度則雷以節暴人威福則雷雷殺人是則謝仙行火巨楔走精蒼旻之賞罰所以補刑戮之所不及也癸亥六月余謝病閒居貴筑有自玉屏來者言月之初七值趁虛日鄉城懋易者咸集南明樓下時天晴霽無雲忽迅雷大震雷火自樓隙穿下市人咸驚懼震時烟散見六人仆地竅血而死樓柱失半其有買菜傭誤殛旋蘇焉稽神錄雷誤震死者後廉實其四人常沃米呂水屨糝糠售之其二人則習用銅鐵白錫諸假銀呂誑人者嗟乎博陵血練無雲而殲叔卿剗胸其讐卒斃展奇隱隱死詎能寬政乙醜橫生未可追在其人方謂碧翁之贖贖而天卒殛之使不得售其術呂有其身然則世之倂張為幻倖王法之所不能及者雖復服囊萑而佩嘉榮食止過而挾半石亦難免於辟







商旅也晉高恭有言私鑄薄濫有司糾繩絀網非一呂為既示  
之呂深利又隨之呂重刑尚非政體矧殺雜為巧呂期得贏而  
逞邪奸者即官司也彼小民亦既聞之矣而憲臺會莫之問且  
為不知乎則職居廉訪之謂何呂為知之乎知而不克糾則人  
不疑錢之不通神不可得矣云云旋司局某告病坐擁巨萬將  
入都為貲郎也

鹽

鹽曰鹹燧伊管官左司鹽縣設海鹽其為利博而用亦宏矣自  
然印成者石鹽也潯淖未凍者鹽鹽也其曰燧者南裔鹽也其  
呼編者蜀鹽也其稱餘者越鹽也其謂謹者河內鹽也其名  
釀者戎鹽也其曰渠展者齊鹽也最下則并州之末鹽司鹽也

其他為白為烏為紫為黃為黑為紅為綠之異其色為苦為節  
為散為形為寒石之別其味為非為印為乳為駁為虎為鳧為  
巨梳作桃者誤為水晶為織子為馬齒之殊其狀正復繁蹟難紀羹  
而調之盃而蘇之自不患其齟齬是呂鹽有澤于闐匯之鹽有  
池猗氏販之鹽有山夔峽掘之鹽有井九龍食之黔介濱蜀之  
中獨不產鹽惟印給於蜀來遠而價昂洗金之物昇金爭價黔  
之民有不如西城之駝桂平之牛者矣儻即伯益之經所紀無  
鹽之國昇常璩南中志沮本有鹽井漢末時居民共詛盟不開  
今三郡皆無鹽也案沮即且蘭三郡即建寧牂牁柯平  
且夫鹽之生也不擇地或出於鹵或出於井或出於崖或出於  
石或出於木或出於泉或出於草黔水蹶溶耳自不能熬波出  
素而遂洞幽崖深林密菁固所饒也倘司事者精求牢盆之術



廣尊亭戶濬掘天藏而昇民同味將地不變寶靈慶志瑞銷之  
醫之肴將溫給則蚩尤之血可漬於蠻鄉而蛤蜊之波可流於  
壑洞彼夙沙瞿子豈得獨擅者海之功哉

茶

黔之龍里東苗坡及貴定翁栗冲五柯樹擺耳諸處產茶而出  
蔡川者名高樹茶蠻夷司鸚鵡谿出者名晏茶色味頗佳近俱  
不產大吏歲昌爲問有司咸買他茶代餽之

論曰茶之名見於神農食經毛詩爾雅飲於遠魏盛於唐宋至  
今而錄而譜而經人人皆陸羽矣嗜之者昌爲釋滯消壅厭之  
者昌爲瘠氣耗精二者各執其說是猶知葛小國不肯降心於  
齊魯大邦也唐書卷一百一十五蓄珠璣玉滄素塵香合雪尺秀起雷車采

之擷之收英斂萼爲酪蒼頭代酒從事固足昌滌煩清暑而不  
知鬪設成俗虛糜泉刀而非徒解寢增熱侵肌爲害已也比見  
近歲上下競吸清欲霜萼甘思露液乳煎碧玉雪翻銀絲鼎鑪  
或煩於嬌女旗槍至誤夫老兵壩刻至鬻桑之報神仙祇甌犧  
之餘侶檜雨松風醍醐遜味窮春秋覽河圖不如咸茗一車也  
而鄉鄙摩蜃之夫尤致羨於寶文初蕊穆陀墜葉徃徃賤售新  
穀問西園之價希北苑之珍廣術曲園茶肆櫛比飲者肩摩臣  
莫斯夕不絕何異海上逐臭里中效顰平而商旅懋遷經山川  
之險博錙銖之利每以絲絹相易不知涑水雕文之難昌爲蘇  
蘭薪桂之娛歲費百萬仙靈莫通苦口爲師療饑無術是昌有  
用之物而易無用之物也攷金史泰和五年光元二年尙書省



臣竊奏禁之自七品官以上方許食茶不得賣及餽獻亦裕財  
足食之政也今之畱心民事者倘可踵而行之乎

女酒

黔之苗有女數歲時必大釀酒既酒候寒月陂池水竭呂泥密  
封罌瓶瘞於陂中至春漲水滿亦復不發俟女子歸日因浸陂  
取之呂供賓客味甘美不可常得謂之女酒又有嘗酒色紅碧  
可慶余初至黔飲之經日頭熱泔泔後畏之如雲白鉤吻問諸  
人言此酒用胡蔓草汁漉也周禮序官女酒三千  
注女酒女奴醕酒者

革器

案蒼頡七章有鞞器一篇言治皮之事今其書簡已逸章人職  
聞不復見古人察革之道矣乃滇邊鬼方竟擅絕技不知者疑

呂為鬼工言不能及也有問於精手者則告之曰凡革鍛不摯  
則易歲治不約則易斷不盞之水摩其鞞膜則無呂敲澤不炙  
之火舒其鞞粟則無呂破張不礪呂石則文理無由細敲不嘗  
呂土則鑽孔無由堅罅反是而攻焉而後削之髹之績畫之厥  
為鴟吞焉可呂注蘭生厥為螭盃焉可呂穠嘉味呂之為棋局  
雖無雞腔之清韻而滑膩足珍呂之為馬鞞雖無錦障之光粲  
而柔勒足翫呂及為盃為壺為卮丹為鈿盒皆積緻可尙不必  
鑄縣黎而錫麟趾不必雕沈檀而燒宣窰列於市塵墨如純漆  
赤如雞冠黃如蒸栗又或縹綠葱青嫣紅油碧羊之肝鷺之血  
蝶之粉鹿蜀之五采粲然滿目雖邊鸞花鳥雀蚓蟲魚不是過  
矣作質者膠穀楛為之飾呂漆敷呂采光澤琴麗猶夫革也觸



之浸之不月而潰退矣膏者不察擲青蚨并朱提是殆呂皮相也

洞錦

錦之呂花木名者芙蓉也蒲桃也牡丹也葵花也蕺荷也櫻桃也茱萸也林檎也芝草也阜木也巨鳥獸名者對鳳也翔鸞也翻鴻也仙鶴也孔雀也鴛鴦也飛燕也麒麟也金雕也天馬也辟邪也獅團也象眼也走龍也蛟文也龜背也虎頭也呂器物名者樓閣也擣蒲也綬帶也銀鉤也盤球也簞紋也魚油也博山也連璧也雜珠也答暈也方勝也閻婆也皆所謂忽五色而極思藉羅紈巨發想者矣黎平之曹滴司出洞錦巨五色絨爲之亦有花木禽獸各樣精者甲池郡凍之水不敗漬之油不溢是夜郎苗婦之手可昇堯時海人爭妙也又有諸葛洞錦出古州皆紅黃緜紗所織甚麤不可用

鐵笛布

永寧鎮寧二州出鐵笛布其織美侶蜀之黃潤其精緻侶吳之白越其柔軟侶波戈之香荃其縝密侶金齒之縹墨余不知其何呂織也或謂卽桐琴布績白桐爲之或又謂緝桑爲之如嶺南容州之用句芒木新會之用鈎綠藤高昌之用波羅樹惱未間之獐獠又有紋布可爲巾疋番苗婦所織潔白如雪拭水不濡用彌年不漬垢膩又有斜文布名順水斑蓋模取銅鼓文巨蠟刻板印布者出獨山州爛土司

金星硯



孔方平硯銘云穀理綺文金星玉質目言墨海尚潤也思州之架谿潭產石有金銀點者可琢爲硯唐秀才源目一枚饋石色既未匹巫露匠工復未能割雲目之練青草卒易於損豪雖注目婺川香墨之水恐不能班采散色漚潤堯翰也嗟乎石墨相著而黑紙筆圖臨爲章邪心讒言無得污白旨哉是論惟磨不磷涅不鏽屹然雅操之君子方露角非佔佔較評郎官樣鶴鶴眼者所知也

### 苗刀

苗人製刀必經數十鍛故銛銳無比其試刀嘗於路傍伺水牛過一揮牛首落地其牛尙行十許步纔仆蓋犀利之極牛猝未覺也爲之贊曰劍能斬馬鏃工殪虎遯水蠻刀割牛委土搗不

留手猶欬步政切玉昆吾騰布析縷駘然銛鋒無缺容黍萬碎千灌試可匪貯

### 神黃豆

神黃豆產黔之荔波形如槐角子眇常豆稍巨服之可永除小兒痘毒服法自每月初二十六爲期半歲每服半粒一歲每服一粒一歲半每服一粒半遞加至三歲則終身不出痘矣或曰案二十四氣服之自二十四粒爲度先用筒瓦火焙去其黑壳碾俚細末白水下之

### 鮓答

壬戌四月余自貴筑返屏宿偏橫之黃絲驛逆旅主人馬受暑死腹孕肉囊剖眇有物狀如雞子色白椎之甚堅非骨非石層



疊周裏多至升許不知為何僕人呂求余余案本草有鮮苔生  
牛馬諸畜肝膽此宜是矣西域蒙古祈雨呂鮮苔石浸水中咒  
之輒有驗其人亦名鮮苔氣砒答在畜腎尤良形如鸚鵡嘴者  
為最重大可如拳或黃或白生剖得者為靈物或言能治奇疾  
難名者是又不止祈雨也又聞牛有黃在膽黃一名丑寶馬有  
墨在腎狗有寶在肺鹿有瑤在首羊有卵石在腹驢有媚在口

燕麥

尔疋鬻雀麥郭注雀麥即燕麥有毛案即穆天子傳之楚麥內  
經之迦師郭義恭廣志之析草孟康漢書注之斯禾張粵博物  
志之節草也楊升菴呂江淮所進之烏味草當之繆矣羅鬼國  
禾米亦佳土人呂燕麥為正糧燕麥狀如麥外皆糠糲內有芥

子一粒色黃可食羣苗呂此為麩每人製一羊皮袋盛數升塗  
饑輒就山澗調食謂之香麩其地賴此甚多古語云兔絲燕麥  
徒有其名殊未然也博物志謂人食燕麥骨節斷解者亦妄

羊肚菌

尔疋中廋菌郭璞云江東名土菌曰廋厨孫炎云地蕈亦曰地  
雞又有獐頭猴眼雞瓊松蛾桑鶯楮雞榆肉等類皆柄香而可  
食黔之深菁邃洞人跡罕至往往為苗穉所踞采食山毛古樹  
內多生牛肚大菌潔白如雪重或一二斤食之雖元都綺葱碧  
海琅菜干品甘露之饌百花珍藥之菓不是過也余代庖古城  
日苗人曾獻之又有木薑實如胡椒味辛可佐食

降真香



名香多出古木若鷓鴣斑生於木坎迎南生於黑木艾納生於  
 枯松奇藍一作男亦作南生於榕樹安息生於辟邪樹膽八生於木犀  
 篤耨生於真臘之杉木金顏打魔迷迭薰陸返生之皆為樹脂  
 又如蜜沈棧雞骨黃熟雞舌馬躡青桂八香同出於一樹黔之  
 貴陽府境出降真香燒之可感引鶴降醮星辰宜焚之凡宅舍  
 怪異疫癘刃傷燒之太驗小兒尤宜帶之蓋此香在深林密箐  
 懸巖之古藤上人跡不到霜鬢雪虐經歷歲月肉皮俱爛赤心  
 如鐵故其香勁而遠也呂生於藤又名紫藤香云

續黔書卷之六

譚瑩玉生覆校

續黔書卷之七

武威張 澍島穀

梓柑

黔中管饒梓柑播州更蕃呂桐梓名縣猶酸棗之姓溝豫章之  
 氏郡也近者棗伐濯濯無能化牛矣余至播所見拱把數株殊  
 無巨抱者案梓亦有數種木理白者為梓赤者為楸佶楸有角  
 者名角梓黃色無子者名柳楸楸之小葉者為榎榎即說文所  
 云榎也梓之實古今注云豫章也梓之桐皮梓實而美者為椅  
 尸子謂荆有長松文椅是也又有鼠梓一名桷詩云北山有桷  
 即此木也又有虎梓江東是植史記貨殖傳山居千章之材徐  
 廣云材溱書佶萩樂彥云萩梓木也左傳伐雍門之萩字又作



櫛晏子春秋景公登箐室而望見人有斲雍門之櫛者即菽也梓亦佗杼尚書梓材古文佗杼材也柎木其樹直上若幢蓋之狀棄佞桑子佞杏今作楠爾雅呂爲柎

相

貴陽鄧玉峯澍甲寅科房師先生之居花卉頗饒有樹焉秋時結實較木瓜微大摘味之似梨而醉漚或謂即楸余案蓋相也夫相楸櫛也李時珍曰楸櫛乃木瓜之大者櫛子乃木瓜之小者楹櫛則櫛類之生於北方者三物并木瓜一類而實不同詩之木李通志略之蠻櫛埤雅之木梨皆謂相也

叩竹

晉我家博望侯至大夏得安石榴蒟醬於得節竹賈人言市之

身毒國也身毒索隱音乾篤或曰賢豆亦曰天毒漢書佗天竺周書佗天竹杜篤傳作天筑或佗天督通志略云天竺即捐毒也田山薑呂爲叩竹出蜀之臨叩謬矣夫黔之氏貴竹也呂生笙竹也笙竹亦作桂竹零陵記所稱桂竹之埜產桂竹是也攷山海經雲山竹譜引作靈原無草木有桂竹甚毒傷人必死竹譜云棘竹一名芳竹扶疎森然大者圍二尺可禦盜賊又交趾有筴竹實中勁強有毒銳呂刺虎中之則死皆桂竹之屬亦生節竹劉逵注蜀都賦云節竹出興古盤江呂南即山海經之扶竹也余至黔中經歷數郡凡遇叢薄幽藹輒爲之拂升斤聽翁檄扇皇其下賞赤箬綠筒之修篁翫育蟲雲母之嫩籜狀未見梢雲百尋摩月千尺望之似甌剖之爲甌蓬之爲舩者母亦土薄水



淺霧重烟荒不能畜此礪柯之奇節乎而其萋舊高原蔓遠重  
谷檀欒夾水櫛矗圍塘青嵐運帚碧空掃煙浮筠之簞上葳蕤  
而防露嬋娟之篠下瀟瑟而來風予也吟句對青學仙服汁納  
千畝於胸中傲清貧之太守非得竹王之胎鬱爲茂林何且有  
此平安之報哉

重臺蓮

世閒花卉無踰扶藁者蓋諸花皆藉暄風赫日獨蓮花得意於  
水月其香清涼雖葉亦自馥也周濂谿比之君子曾端伯稱爲  
淨友洵不誣矣余至黔葦滇池中產衣鉢蓮有赤白青三種卽  
梵書所謂頭波摩芬陀利優鉢羅也而玉屏署葦後饒白蓮曰  
白風清雅足幽賞癸亥之夏印江梁秋湄明府書來言衙中箇  
昔盛拆皆千葉三出凡六層房中攢出之花更明豔可人無慮  
數千朵雖太液之粼華銅池之望舒難比方矣其友人周陰虎  
有池中蓮詩寄余

增周砧池中蓮詩

山之盤兮中阿芙蓉池兮水激波待旣曦兮花明襲高柳兮翠  
煙橫午風初兮雲爛含芳粲兮尙舒呂半望美人兮不來葦歎  
裊裊兮碧漪漣寂莫兮誰親饒邨夫兮弗可弁鄰中惆悵兮難  
言白萍飄兮若無根有君子兮水之央遠不可接兮顧瞻而襄  
羊惠我兮光澤尙無違兮我思積思積兮情憐怕聽葦兮夕陽  
蟬蒼蒼兮莫色欲晏兮恐難息自今兮相期永追隨兮切莫我  
遺



蘭

楚詞云余既滋蘭之九畹兮又樹蕙之百畹注蘭為都梁香  
澤蘭俗澤蘭又名虎蘭譜云春蘭葉細夏蘭葉細而長秋蘭葉  
大而澤冬蘭葉差大葉皆不冬凋春蘭一幹一莖夏秋冬蘭皆  
一幹十數莖山蘭瘠而小建蘭肥而大了蘭最貴莖葉生歧枝  
也廣志云蕙草綠葉紫花鄭樵曰即零陵香葉可代香非今之  
蘭審矣後人不識蘭草蘭花為二種遂曰一幹一花者為蘭一  
幹數花者為蕙号曰蘭蕙替矣黔雖荒微亦有燕尾魚魷披拂  
於長坂曲谿樵者輒隨眾草刈之曰為薪余於馬鞍山在廣州  
得六本莖於庭堦聞之甚翻謁昇朱子所謂葉無氣質易萎弱  
者迥不同乃真王者香也為歌離騷一章

循隱谷兮襲羊聞幽蘭兮歎香言采朱兮初蘭芳菲菲兮彌  
峯紫莖兮孽綠葉晃羅生兮山之疊暎翠羽兮回翔汎光風兮  
膏露接忽反顧兮浩歎公子去兮雲端無同心兮當門忌秋風  
敗之兮余涕汎瀾戶服艾兮盈鬻會不知蘼蕪之清高豈其未  
見兮九畹實秉德之不昭孰吾逕兮豁吾肩如游蘭澤兮登蘭  
亭願芳馨自愛兮長無絕此青青

長壽草

廣順署後即馬鞍山古樹叢林虬蟠雲結而懸崖峭陂尤饒奇  
草鬱鬱葱葱要皆神農磨礪之所未嘗壯或博物之所未志也  
暇日握衣而上柔茵綠鋪斂人眉宇爰藉之賞玩見有葉舒如  
梅瓣者圓莖脩枝枝即抽於葉心枝各一花花分五瓣色深碧



中藥須狸紅亭亭蒨秀不異羣草伍問之小隸對曰長壽草也  
聳狀異之夫員邱有不死之樹食之延壽郭景純游仙之所詠  
也洛陽充明殿持有長生樹二株晉華林園植長生樹二株皆  
樹也惟周髀算經言中衡左右冬有不死之花溼或時日支國  
獻活人草三莖死者將草覆面即活又河圖玉版云防風之二  
目呂刃自貫其心而死禹哀之乃拔其刃療呂不死之草是皆  
渠窟真宅靈嶽名山乃產此嘉卉供仙夫之餐黔蠻鄉也毒霧  
淫霖蒸生莖莽蔓延充塞道第難行每思如薙氏法刈夸蘊崇  
之矣無論無斲之莖輪芳苜之戲鳳洞冥之燭夜望舒之隨  
時吉雲之飼織離馬地日之招三皇馬即御睦迎涼之葉護門  
懷夢之髮組綸布帛之英功德文章之秀慨夫之見顧安得長  
壽名葩媿祖洲返魂之香驂瓊苑養神之芝哉或異域音訛稱  
偽未可知也朕聞今廣西柳州亦有不死之草如茅食之多壽  
此草疑卽山海經之猿草云

朱草

黔南巖石之間有草焉如小桑狀枝莖偃珊瑚長三四尺刺之  
如血昇援神契之言朱草無異諒卽朱草也或据三禮義宗雖  
之謂王者施德有常則應德而生昇紫脫朱英皆爲上瑞安得  
叢生於蠻域余案抱朴子曰今西山謔母所種之朱草頗異他  
處少年湯飲輒致口鼻出血是此草可種不必其嘉祥也矧古  
大嘗呂之染絳乎

海棠



舊聞海棠無香惟四川重慶府昌州所產者有之余至黔聞大定海棠極蕃其香最清烈質之土人良信

增詩

萬朵晴雲簇曉霞高燒銀燭仙姝家春睡方濃慵少力紅膚卷袖烘輕紗曉臉恍如醉宿酒賸脂零粉抹纖手絳脣惟笑桃李羸靚粧但覺芙蓉醜何圖名花出瘴鄉造物有意深且長逞逞佳人在空谷天賦絕色生清香從今可消淵材恨李舟定幸佳郡願香國築得香閣高臨風底事嫌家遠

蠟樹

天下無無用之物蠶之齧桑作緝蜂之采花爲蜜構木作羹葉作醬夫人而利賴之矣又如枕椰木有麪文榲木有粉都句

木有屑羊刺草有蜜椰子核頓遜樹加蒙嚴樹樁木蝦蟇丹樹有酒女國產鹽草滇南生酸角西蜀出糖樹均足適用又波斯有齊墩一作盧果西域出摩厨子真臘種咸平樹亦可調羹呂子所見之蠟樹爲尤足貴取蠟之法於四月內將蠟蟲置女貞樹上蟲吸樹脂兩三月後漸長如蠶遂吐蠟捲抱樹枝瑩白成片九月間采取煎熬作餅各夷洞慣畜蠟蟲漢民亦聞畜之每二三月進洞收買蟲凡一斗常價用銀一兩四五錢貴至二兩外賤極亦一兩畜蟲亦在四月中布種女貞樹函史謂之水欖樹呂女貞而異但蟲必俟一季方收蠟則半歲可得故漢民孀於收蟲蟲舁蠟俱蠟蟲所生共在一殼內大如豆上而赤色者爲蟲其下稍白者爲蠟蟲一樹止可放三四顆蠟一樹可放二十



餘顆也本草會編云蠟蟲食冬青樹汁久而化爲白脂粉敷樹枝人謂蟲蟲著樹而生至秋刮取呂水煮溶瀘置冷水則凝結成塊炙文理如石膏而瑩徹可和油作燭羣芳譜云蠟蟲微時白色大如蟻蝨作蠟及老則赤黑色乃結苞於樹枝初若黍米大入春漸長大如雞頭子紫赤色纍纍抱枝宛若樹之結實蓋蟲將遺卵作房正如雀窠蝶蛸之類俗呼爲蠟種亦曰蠟子子內皆白卵如細蟻一包數百凡寄子皆於夏毒三日內從樹上連枝翦下去餘枝獨畱寸許令抱木或三四顆乃至十餘顆作一簇或單顆亦連枝翦之翦訖用稻穀浸水半日許漉去水剝下蟲顆浸水中一刻許取起用竹箬虛包之大者三四顆小者六七顆作一包勒草束之置潔淨甕中若陰雨頓甕中可數日

天熱其子多併出宜速寄之寄法取箬包翦去角作孔如荳大仍用草繫樹枝間其子多少眎枝大小斟酌之枝大如指者可寄枝太細幹太粗者勿寄寄後數日間烏來啄箬包攫取子勤驅之天漸暖蟲漸出包先緣樹上下行若樹根有草卽埒草不復上又防蟻食蟲樹下須芟刈極淨次行至葉底棲止更數日復下至枝條齧皮入啞食其脂液因作花狀如凝霜也



續黔書卷之七  
（此處為多行模糊文字，內容難以辨認）

續黔書卷之七

續黔書卷之八

思南有甌峯盤互銅仁思州石阡數百里大木碩山莫不茂者  
騰林拂雲幽煙冥緬穹崖造溼亢石無階杳無人居人蹤亦不  
能到所產草木多異狀有獸焉形類獼猴而大尾長四五尺而  
歧端色蒼黃鼻露向上兩即自懸於樹尾塞鼻或兩指爾  
雅所謂雌也巢於樹老者居上子孫居下老者簡出子孫  
搜巖得果即傳遞而上薦老者食食已然後傳遞至下上者未  
食下者不敢嘗先王用呂繪於尊彝取其孝也象寓屬小而尾  
短者猴也侶猴而多髯者猿也示於猴文采蔚然者果下豹也

孝獸

政威張  
謝高毅



俗猴而大者獾也大而尾長赤目者禺也俗狢而大者果狢也  
 九真人号歌狢俗狢而小者蒙頌也一名蒙貴俗狢而善躍越  
 者獬豸也俗猴而長鬣者蝮也俗蝮而狗首曰蝮為雌者獬豸  
 也又名獬豸俗蝮而金尾者獬也俗蝮而大能食蝮者獨也食  
 猴者獬也印鼻者獬也狢即雌也南人名之曰仙猴也郭景純  
 贊云禺屬之類莫過於雌而則自懸塞鼻曰尾厥形雖陋列象  
 宗彝余廣贊曰蟻穴蜂房君臣道章鴉行雁序兄弟燕處鸞遷  
 鷄呼朋友印須鳩擊鴛別夫婦締結惟鳥能哺惟羊能乳愛深  
 養隆曰父曰母云何蒼雌念厥顧復嘉果摘來爰薦耄壽嗟嗟  
 世人誰無二親尚賈逐末肆齎空陳士也遠宦鐘鼎自榮繫俗  
 子與益母長歔亦有周磐感懷魴魚銜索幾蠹奉檄樂胥蒼蒼  
 者天薄薄者地固極鴻慈豈惟酒食此而不將嬪嬙所戲

豪瓠

物之自為雌雄者豈爰之類沛帶山之鵠鵠或云即鵠離湯山  
 之象蛇火眼之狡狴而豪瓠亦狢其為狀如豚而白毛如笄而  
 黑端夾脾有麤豪長數尺能巨脊上豪射物郭景純謂之狙豬  
 長楊賦注謂之希獠通志略謂之山豬唐本草謂之蒿豬亦謂  
 之獠獠吳楚又呼為鸞豬也大定府有之俗名刺豬苗人拾其  
 豪曰為簪猶海嶠之用蝦須也聞南海有泡魚大如斗身有棘  
 刺能化為豪豬夫異為魚坎為豕異變為坎理或狢矣穆天子傳有豪  
馬豪羊豪牛郭注豪髭也并豪豬之豪不同

水馬



西域呂羊臍種土中漑呂水聞雷而生臍繫地內及長驚呂木  
聲臍斷便行齧草至秋可食臍內復有種此物之至奇者也而  
人或未之信史記大宛傳正義引宋膺異物志云秦之北圻庸  
小邑有羊羔自然生於土中候其欲萌築牆繞之恐為獸所食  
其臍昇地連割絕則死擊物驚之乃驚鳴臍遂絕則逐水草為  
羣劉郁西行記亦言之黔之養龍院兩山相夾深池涵焉嘗出  
神馬明洪武四年僞夏明昇獻馬十其一白者首高九尺長丈  
餘乃得之於此也夫諸毗文僑渥洼蒲梢余吾龍友青海驄駒  
徃牒可稽已溘肅宗元和中神馬四匹出滇池河中魏黃初聞  
於上黨得澤馬晉孝武太元十四年滇池縣河水有神馬二匹  
唐明皇靈昌郡得異馬於河皆水馬也隨巢子云夏后之興方

澤出馬良不誣矣再考襄陽記中廬山有地穴溘時常有數百  
匹馬出遂名馬穴吳時陸遜復於此穴得數十匹馬出土中一  
異也唐書南詔傳越賧之西多薦草產善馬始生若羔歲中紐  
莎縻之飲呂米瀦七年可御日馳數百里馬出於草叟一異也  
庶物之生倣詭萬變魚非羽族文鯨翔風獸為毛羣靈驛戲水  
而且谿邊之狗巢木地下亦復賈生圓嶠之蠶眠火中又復  
鼠產韻外之事何能具言昧者不察徒執游牧攻駒曷昇之循  
會無而涉元謀之河哉魏略海西國音首出水其用水  
羊羴為布名海西布也亦見西域傳

小羊

吾涼出封羊其背如駝高者六尺許春夏之交青草豐茂毛澤  
而肥食其肉可呂膳身飲其酪可呂養性真俊味也余來黔一



載矣雖日飾廚傳給供驛使未嘗自求口食以快端頤有邵民  
饋一羊辭不獲受之不忍無故而殺養於驛內數月偶至牧所  
視焉輒來依衣裾閒不去稱之則十三斤如六七月之犖犖也  
案杜預奏事言魏興北山有野羊千數百斤其形不异中土羊  
相但廣志云驢羊但驢今黔之驢竟無龐狀大者而羊腹么麼  
抑又何耶  
論曰余聞之十式云非獨羊也治民亦猶是也惡者輒去無令  
敗羣式其人雖不足取而言則不易今之牧民者巨神自畜既  
不能禁觚誦之鞠飲復不能如雉臚之觸邪而肉食者鄙反視  
羶首之民而不恤是何異狼牧羊也

箐雞

逸周書王會解云蜀人以文鶉文鶉者若翬雉孔晁注云鳥有  
文采者皋雉但鳧冀州謂之澤特臨海異物志云杉雞常在杉  
樹下頭上有長黃毛如冠頭及頸正青如莖綫今水西出箐雞  
高尺許或畜之見人輒避去終不馴擾而長尾白羽羽之周遭  
黑文緣之如淡墨所畫是箐雞异杉雞同亦文鶉之類也

人首魚

癸亥之五月鎮遠靈霖無江暴漲上流夾岸人居埒雞牢豕悉  
被冲汎鎮之漁咸飛櫂爭取忽洪波卓立盤渦雷轟見一巨魚  
人首長徑丈鬚鬣殷紅衝網駛去趙子海涵自鎮遠來親見爲  
余言之嘗考竹書云禹治洪水觀於河見長人白面魚身出曰  
吾河精也徐鍇稽神錄云謝仲玉者見婦人出沒水中腰曰下



皆魚述異記云查道奉使高麗見海沙中一婦人肘後有細一作紅鬣命扶於水中拜手感戀而沒乃人魚也嶺海異聞云人魚長四尺許體髮牝壯人也惟背有短鬣微紅注卽山經西海之陵亦作鮫魚也鄧元錫物性志云姑射山有鮫魚人面人手魚身見則風濤起夫蚌青類人首多羅類人足或車類人男陰文啗類女陰亦名東海夫人凡此瑰異悉產巨浸黔江何呂有此如呂元錫之言見則有風濤之異今夏久夷晏浪雍觀潛蹤未嘗起颺颺而驚衍溢也殊不可解

### 鱸魚

金齏玉膾舊稱東南嘉味六書故謂其肉羸者尤美案故有二種脆鱸海中有之皮緊而肉厚爛鱸江海俱有比脆鱸差小而味淡玉屏之平江產鱸巨口細鱗肉白如雪不終日色不變而有四顛天生膾材也然不能如北固山下一出手便釣得四十九枚如謝朓所云或謂天下之鱸皆兩顛惟松江鱸四顛非豈不知盧清臣殆亦侔於營廷之魚矣崑山有三顛鱸

### 小鱓

夢谿筆譚云關中無鱓偶收得者怖其狀呂爲怪物有病瘧者縣諸戶則大瘥言鬼畏之也黔爲鬼方卽無腸公子郭索橫行彼鬣首錄耳之倫且易而翫之矣余來斯邦暇則徵風采俗訪之無有也後乃知鎮遠之鐵谿產小鱓焉昇箴魚沙蝦潛啣沫於澗石而鎮寧之清泉中產異鱓或赤或紫色極鮮妍雖洛水文鱈珠海石蛙亡呂隲也夫波斯之鱓昇神搏江南之鱓昇虎



鬪海陽之鱗專車女丑之鱗千里而北溟之鱗一螯加於山善  
苑國之鱗長九尺百足四螯尤為足異若茲之纖纖其不巨箠  
火呂尋也審矣儻使鸚鵡之嘴爬沙熊谿而虎豹之罽擁劔牂  
江當霜天菊黃壺會竹之審醪盤都雲之香橘左持彭越右把  
長卿蹈吏部之疎狂貌監州之矜睨笑蔡謨之督識嗤陶穀之  
妄評則予也樂尊持風味忘口裏雌黃亦可呂無異域之歎乃  
冠裳之狙竟畏毒霧而不生或生之而大僅如指不能供老饕  
之一嗜豈不慎哉

圓蛇

蛇之善者惟升卿其惡者曰博叔然多蛇食塵蜉蛇噬鹿巴蛇  
吞象活禱捕鼠要皆形狀宛若可為趨避未有蹤跡詭異厥毒

奇酷如圓蛇者也圓蛇產古州八萬土司中圓如卵有五采文  
或山水花鳥竹木厯厯如續狀同六合石子人見之無不欣愛  
拾而撫摩之不忍遽舍去少頃得人氣於中心迸出一頭口目  
畢具舌如火輪齧人無幸免者人斃處草木枯槁泥土焦烈人  
不敢由此行皆迂道以避三季始復然其土猶毒苗人呂篋笏  
矢插其處七日夜射人即殪酷於狸子焦銅之鎬又有脆蛇長  
尺有二寸見人輒躍起數尺跌為十二段須臾復合為一即准  
南子所謂神蛇也田山薑紀之特詳

唧唧

山石之間有物焉形似蛙又似鮎色青味鮮美苗人得之進上  
客呼之為唧唧案字書無唧字其從土者土精也宋時徐廷評



監廬州酒稅河次得一物如小兒掌無指懼而埋之或曰此白澤圖所謂瑯也食之多力又一名封豨此形狀懸殊案交州記陶璜築城於土穴中得一物白色形如蠶蛹無頭長數丈大十圍輒輒能動割肉如豬脂呂為臙香美遁甲開山圖雲師生霍山長五六寸有毛似兔雨時出在石上肉甘可炙食或曰石蠶之類即雨虎也本草云石蛤在石中藏蟄似蝦蟆而大黃色能吞氣飲風露可食疑啞啞即石蠶石蛤之類又白澤圖云千季木中有蟲名賈誼狀如豚食之味如狗尤奇也

案賈誼即彭侯

九香蟲

余髫年在外馬足車塵關萬里得勞疾恨無罽蘇之我遺也目見潢池弄兵梁渠舞羽黔首流冗得痛疾恨無草荔之我惠

也改官於外無吏才牒訴控德敲撲喧聒耳遂巨聾恨無文莖之見贈也民陝輸而苗剗盪上下嵒窳是非區霧憤放手者之類越貨也則忿之甚思得帝休服之握符衝塗日惟供億稱妮之是急無瞬晷展卷幼時所誦經書茫如癡寐是為忘疾思得迷穀佩之時復勘地巡稼登峻岑冒毒霧飮飲不時得痔疾誰則投我以赤翁之櫟烏蛇尾之虎蛟者兼此六疾百里何堪乃者挂冠引退囊無阿堵甑無洗耙飢腸時作鐘球鳴也暇輒覽列仙傳慕葛稚川之為人優有意縱志舒節呂馳大區昇造化者俱又念夙無仙才未必有仙骨私覬選崔文負局食我呂黃散餌我呂紫丸庶蝸甲濁穢拾階霄霓迅于靈於一鞠方塵劫於俄頃茲聞畢節之赤水出九香蟲服之身輕喜甚詢之士人



言蟲生澗水中春夏出遊水面者不可用秋冬潛伏澗石土人  
掀石得之售人服法用十四枚微火炒去殼翅及足七枚去殼  
翅足生用母服一生一熟佗一次嚼食白湯下日服二三次俱  
可用完十四枚而止儻余得是蟲也不羨荷扇之丹砂矣或曰  
服之尤宜子云

續黔書卷之八

譚瑩玉生覆校

右續黔書八卷

國朝張澍撰按澍字介侯一字鬲穀或威人

嘉慶己未進士選庶吉士改官知縣是書初名黔中紀聞後易  
今名蒙蒙齋先生黔書而名之也文字奇奧若積薪矣方鬲穀  
之出宰黔中也負倣瑰璋材輒軻百里屏營彈丸間似不堪  
展驥者乃其議捍水也則曰用工不過百人爲期不過一月防  
苗警也則曰屏邑雖小苗不足憂母亦牛刀小試耶又鬲穀未  
弱冠登麀園旋改外職偕年少不更事者乃其慙夫馬也則曰  
無良之徒且借此呂獵民既股其脂膏復疲其筋骨治盜賊也  
則曰呂虛不呂實不用捕而用儻摘伏懲姦有過老吏又蒙蒙  
先生之撫黔也首呂疏請建學爲務而鬲穀之攝篆廣順也亦  
著茂學篇呂詔州人士舟驅後馳如出一轍宜黔人士頌聲勿







